

Ժողովուրդ

56
(2722)

18 ապրիլի երեքշաբթի 2023
տպագրության ժԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԱՐԳԻՇՏԻ ԲՅԱՐԱՄՅԱՆԸ ՉԻ ՊԱՏԺԻ ԱՐԹՈՒՐ ՀՈՎՀԱՆՆԻՄՅԱՆԻՆ



Ապրիլի 4-ին ՀՀ Ազգային ժողովի մարդու իրավունքների պաշտպանության եւ հանրային հարցերի մշտական հանձնաժողովի նիստում ԱԺ «Քաղաքացիական պայմանագիր» խմբակցության քարտուղար Արթուր Հովհաննիսյանի ցուցաբերած պահվածքը, որը ուղեկցվում էր սպառնալիքներով, խուլիգանական վարքագծով, կներվի: «Ժողովուրդ» օրաթերթը ՀՀ քննչական կոմիտեից պարզեց, որ Հովհաննիսյանի նկատմամբ քրգործի հարուցումը մերժելու մասին որոշում է կայացվել, ասել է թե՛ քաղաքական որոշումը կայացված է, իրավապահները պետք է հիմնավորեն դա:

Ինչպես հայտնի է, այդ օրը ընդդիմության միասնական թեկնածու Էդգար Ղազարյանի նկատմամբ Արթուր Հովհաննիսյանը ցուցաբերեց ոչ միայն անհարգալից վերաբերմունք, այլև խուլիգանական պահվածքով սպառնաց կտրել Ղազարյանի ականջներն ու լեզուն: Նա նաեւ հայտարարեց, որ հանձնաժողովի նիստը խանգարում է, ինչը կարող են ներկաները արձանագրել: ՀՀ գլխավոր դատախազ Աննա Վարդապետյանին հասցեագրված նամակը՝ ԱԺ ՄԻՊ հանձնաժողովի նախագահ Թագուհի Թովմասյանի կողմից, ըստ էության, մերժվել է: «Ժողովուրդ» օրաթերթը տեղեկացրել էր, որ ՀՀ գլխավոր դատախազին ուղղված գրությունը հասցեագրվել էր ՀՀ քննչական կոմիտեին: Երեկ հետաքրքրվեցինք կոմիտեից, թե ինչ են արել Թովմասյանի գրության հետքերով, հարուցվել է կամ կհարուցվի արդյոք քրեական գործ Արթուր Հովհաննիսյանի նկատմամբ: Ի պատասխան՝ քննչական կոմիտեից պաշտոնապես հայտնեցին. «Քրեական վարույթ չնախաձեռնելու մասին արձանագրություն է կազմվել այդ նիստի ընթացքում ինչպես արտահայտությունների վերաբերյալ ներկայացված հաղորդումների առթիվ քրեական վարույթ նախաձեռնելու հիմքերի բացակայության պատճառով»:

Պարզեցինք, որ խուլիգանական վարքագիծ դրսևորած Արթուր Հովհաննիսյանին ինքն էլ է իրավապահներին գրություն ուղարկել՝ պահանջելով քրգործ հարուցել այդ օրը կատարվածի առիթով, միայն թե պարզ չէ՝ Հովհաննիսյանն ում է մեղադրում:

Արձանագրենք, որ տեղի ունեցածը անպատժելիության վառ դրսևորում է. եթե ԹՊ խմբակցության քարտուղարն է սպառնում, դա ներվում է, եթե այլ քաղաքացի է դա անում, պատժվում է: Սիս Նիկոլ Փաշինյանի կերտած արդարադատության պտուղները:

Կերչին օրերին իշխող ուժի անդամները մեկը մյուսի հետեւից սկանդալների կենտրոնում են հայտնվում: Մեկ ԱԺ նախագահն էր սկանդալի կենտրոնում, մեկ ԹՊ խմբակցության քարտուղար Արթուր Հովհաննիսյանն էր, որ ՄԻՊ թեկնածուի ընտրության օրը՝ հանձնաժողովի նիստի ժամանակ, վիրավորանքներով խոսեց ընդդիմության թեկնածուի հետ՝ սպառնալով մարմնի տարբեր մասեր կտրել: Օրեր առաջ էլ համացանցում հայտնվեց ֆեյսբուքյան նամակագրության «սքրինը», որտեղ երեւում էր՝ ինչպես է ԹՊ խմբակցության պատգամավոր Հովիկ Աղազարյանը սեռական հայիոյանքներով խոսում քաղաքացիների հետ: Ուշագրավ է, որ նախկինների արատավոր վարքուբարքի մասին աղաղակող քաղաքական ուժն իր ներսում անգամ չի քննարկում այս աղմկահարույց դեպքերը, ավելին՝ տարբեր անհեթեթ պատճառաբանություններով փորձում են արդարացնել իրենց թիմակիցների անթույլատրելի արարքները: Այս միջադեպերից հետո չինչեց գեթ մեկ ներողություն ԹՊ-ականների կողմից, փոխարենը նրանք մեկը մյուսի հետեւից շտապեցին ներողություն խնդրել ծանրամարտի Եվրոպայի աշխարհի առաջնության բացման ժամանակ թշնամի երկրի դրոշմ այրելու համար: «Ժողովուրդ» օրաթերթը տեղեկացավ, որ նման քննարկում չի եղել նաեւ երեկ կայացած ԹՊ նիստում, որը անցնում էր ԱԺ 334 սենյակում: Տպավորություն է, որ միջազգային հանրությունը եւս պատրաստ է աչք փակել գործող իշխանության նույնիսկ ամենակտի արարքների վրա: Ստացվում է՝ ԹՊ-ականներն արտոնյալ են. այն, ինչ չէր կարելի նախկիններին, կարելի է գործող իշխանություններին:



«Ժողովուրդ» օրաթերթին հայտնի դարձավ՝ ՀՀ նախկին վարչապետ Հովիկ Աբրահամյանի որդին՝ Արգամ Աբրահամյանը, ինչ քրեական վարույթի շրջանակներում է հրավիրվել ՀՀ քննչական կոմիտեի եւ որպես վկա հարցաքննվել: Պարզվում է՝ Կոտայքի նախկին մարզպետ Կարապետ Գուլոյանի եւ նրա հոր՝ ԱԺ նախկին պատգամավոր Մուրադ Գուլոյանի գործունեության եւ մարզում առկա հողերի մասով կա քրեական վարույթ, որի շրջանակներում էլ Արգամ Աբրահամյանին որպես վկա հրավիրել են ՀՀ քննչական կոմիտեի հարցաքննության: Նշենք, որ Գուլոյաններն ու Աբրահամյանները խնամիներ են: Հիշեցնենք, որ ապրիլի 14-ին ArmLur.am-ը արձանագրել էր, թե ինչպես է նախկին վարչապետ Հովիկ Աբրահամյանի որդին՝ Արգամ Աբրահամյանը, դուրս գալիս ՀՀ քննչական կոմիտեից, եւ փորձել էր անձամբ նրանից հարցնել, թե ինչու է հրավիրվել կոմիտեի: Աբրահամյանը հրաժարվել էր մանրամասնել իր այցի մասին:



Նիկոլ Փաշինյանը մարտի 14-ին լրագրողների հետ զրույցում հայտարարել էր, թե Երեւանի բազմաբնակարան շենքերում տարեկան 700 վերելակ է փոխարինվելու: Նկատենք, որ այսպիսի տեղեկատվություն նույնպես հայտարարել էր նաեւ Երեւանի նախկին քաղաքապետ Հրաչյա Սարգսյանը: Սակայն նկատենք, որ Երեւանի փոխքաղաքապետ Տիգրան Ավինյանը ապրիլի 14-ի կառավարության նիստում տեղեկացրեց, որ 2023-ին ծրագրվում է փոխարինել 100 վերելակ համայնքային բյուջեով ու եւս 473 վերելակ՝ կառավարության ֆինանսավորմամբ: Միեւնույն ժամանակ «Միվիլետ»-ը նկատում է, որ այժմ քաղաքապետարանի կայքում տեղադրված է միայն 500 վերելակի ձեռք բերման մրցույթ: Ստացվում է, որ վարչապետի հայտարարությունը, թե՛ «մենք Երեւանում դուրս ենք եկել տարեկան 700 վերելակ փոխելու տեմպի վրա», չի համապատասխանում իրականությանը: Փաստացի խոստացված 700 վերելակից այժմ պլանավորվում է տեղադրել 573-ը, սակայն մրցույթ հայտարարված է միայն 500-ի մասով:



ՉԵՆ ԴԻՄԱՆՈՒՄ

ՔՊ-Ն ՑԱՅՑՆՈՏԻ ՄԵՋ Է

«Ժողովուրդ» օրաթերթը հայաստանյան ներազդեցիկ կյանքում սեղի ունեցող վերջին իրադարձությունների շուրջ գրուցել է ֆաղսեյնոլոգ Կարեն Քոչարյանի հետ:

-Պարոն Քոչարյան, վերջին օրերին իշխող ուժի անդամները գրեթե ամեն օր սկանդալի կիզակետում են հայտնվում. Աժ նախագահը քաղաքի կենտրոնում թքում է քաղաքացու վրա, ՔՊ խմբակցության քարտուղարը Աժ հանձնաժողովի նիստի ժամանակ հայիոյանքներով է խոսում ընդդիմության թեկնածուի հետ, սպառնում է նրան մարմնի տարբեր մասեր կտրելով: Օրեր առաջ էլ համացանցում հայտնվեց ֆեյսբուքյան նամակագրություն, որտեղ երևում էր՝ ինչպես է ՔՊ խմբակցության պատգամավոր Հովհիկ Աղազարյանը սեռական հայիոյանքներով խոսում քաղաքացիների հետ: Ինչպե՞ս կգնահատեք ՔՊ-ականների վարքագիծը, արդյոք անպատժելիությունը չէ՞ այս ամենի պատճառը:

-Տղերքը չեն դիմանում արդեն, ինչ-որ բան այն չէ ՔՊ ներսում, ցայտնոտի մեջ են, մեկը մյուսի հետեւից սխալներ են անում:

-Ինչի՞ն չեն դիմանում, ճնշումներ կան:

-Ճնշումներին՝ թե՛ ներքին, թե՛ արտաքին, բոլոր տեսակի, այդ թվում՝ նաեւ իրենց ներքին ճնշումներին, քանի որ իրենց մոտ էլ է ճաշ եփվում: Փաշինյանի կողմից կան ճնշումներ. Աշոտ Փաշինյանի հերքումը Ձեզ վկա: Իրենք հենց սկզբից էլ սկանդալների հակված են եղել. այն ժամանակ մի մասը կարողանում էր գուպել, հիմա տղաների նյարդերն այլեւս չի հերիքում, ճնշումներին չեն դիմանում:

-Իսկ արտաքին ի՞նչ ճնշումներ կան:

-Իրենք են ասում, որ ո՛չ Արեւմուտքը, ո՛չ Ռուսաստանն իրենց չեն օգնում, ամեն ինչը թղթի վրա է մնում:

-Պարոն Քոչարյան, եթե նախկինում ՀՀ-ական որեւէ պատգամավոր կամ Աժ նախագահը հայիոյեր կամ թքեր քաղաքացու վրա, այստեղ գործող դեպքերը:



թյունները, միջազգային կազմակերպությունները մեծ աղմուկ կբարձրացնեն, բայց հիմա լռում են: Ստացվում է՝ այն, ինչ չէր կարելի նախկիններին, կարելի՞ է գործող իշխանություններին:

-Ինձ համար միջազգային հանրություն ասվածը վաղուց արդեն չկա. այնտեղ ոչ թե կրկնակի, այլ եռակի ստանդարտներ են. այնքան բազմազան ստանդարտներ ունեն, որ վաղուց նեխած հոտ է գալիս այդ ամենից: Երբ այլեւս պետք չլինեն Արեւմուտքին կամ Ռուսաստանին, կօգտագործեն եւ դեն կենտեն նրանց, ինչպես տհաճ օգտագործված խաղալիք:

-Մեր հանրությունն էլ որեւէ կերպ չի արձագանքում ՔՊ-ականների այս վարքագծին. սա ինչի՞նք էք պայմանավորում:

-Քաղաքացիները երբեք էլ ձայն չեն հանել. ով այն ժամանակ ձայն էր հանում, հիմա էլ նույն մադիկ են ձայն հանում, իսկ ով ձայն չէր հանում, այն ժամանակ վերցնում էր 5 կամ 10 հազարը, գնում ու իշխանություններին էր ձայն տալիս: Հիմա էլ 3000 թոշակ են բարձրացնում, նորից գնում ձայն են տալիս այս իշխանություններին: Քաղաքացիների մեծ մասն այդպիսին է, ցավիք սրտի. դա գալիս է հասարակության դեգրադացվածությունից: Եթե նորմալ, ոչ դեգրադացված, հասուն, կրթված հասարակությունում լիներ այս ամենը, անմիջապես հրաժարականներ կլինեին:

Հրուցեց ՔՐԻՍՏԻՆԱ ՍՈՒԵՆՅԱՆԸ



ԳՈՒՄԱՐԸ ՉԻ ՎԵՐԱԴԱՐՉՆՈՒՄ



«Ժողովուրդ» օրաթերթի խմբագրություն է դիմել իտալահայ Գեորգ Օրֆելյանը: Նա պատմել է, որ տեւական ժամանակ է, ինչ կանգնել է խնդրի առաջ: Նախկին դատավոր Գագիկ Խանդանյանի որդին՝ Վահագն Խանդանյանը, իտալահայ քաղաքացու խոսքերով, իրենից մոտ 214 հազար դոլար գումար է վերցրել եւ հետ չի վերադարձնում, ինչի պատճառով Գեորգ Օրֆելյանը դիմել է դատարան. «Շատ լավ ընկերներ ունեւ Հայաստանում, եւ ինձ ներկայացուցրած են Վահագն Խանդանյանի հետ: Վահագն Խանդանյանը դատավորներու ընտանիք ունի, նրա պապան եւ եղբայրը դատավորներ են, եւ խաբված եմ զգում, որովհետեւ այս պարոն Խանդանյանը շատ մեծ փողեր է ուզել, եւ իրեն տվել եմ իմանալով, որ իմ լավ ախպերս է, բայց մի կոպեկ հետ չի վերադարձրել: Ես Վահագին փողը տվել եմ, քանի որ ունի հայր մը, որին ես շատ հարգում էի, ու այդպես ինձ ուզել է խաբել: Քանի անգամ զանգել եմ իրեն, չի պատասխանել, եւ ես դատարան եմ դիմել: Ինչ կլինի հետո՞ չեմ կարող ասել»: Նշեց, որ Վահագն Խանդանյանի եղբայրն այժմ ՀՀ վերաքննիչ վարչական դատարանի դատավոր Ռաֆիկ Խանդանյանն է, իսկ հայրը Գագիկ Խանդանյանն է, որի լիազորությունները դադարեցված են, եւ մինչ օրս նա բողոքարկումների գործընթացում է:

ԱՐՄԿԱՅԱՐՈՒՅՑ ԼՈՒՍԱՆԿԱՐ

«ՓՆԹԻ ՈՒ ԱՆՊԱՏԱՄԽԱՆԱՏՈՒ ԵՆ»

Մինչ իշխանությունը, իր սարքեր լծակները օգտագործելով, ֆինադատում է ոճաբան Մրամ Նիկոլյանի ֆայլը, որ նա ապրիլի 14-ին ծանրամարտի եվրոպայի առաջնության բացման արարողության ժամանակ, Ադրբեջանի դրոշմը վառել եւ դուրս էր հանել Կարեն Գեմիհյանի անվան մարզահամերգային համալիրի դահլիճից, նույն «հայրենասեր» իշխանության ներկայացուցիչները առիթը բաց չեն թողնում սարքեր դեֆակտոյով մոտենալու ադրբեջանական դրոշմին:

Ներկայացնում ենք լուսանկարը. ⇨

Իսկ, ահա, ընդդիմադիր «Հայաստան» խմբակցության պատգամավոր Գեղամ Մանուկյանը, անդրադառնալով վերոնշյալ լուսանկարին, ArmLur.am-ի հետ զրույցում ասաց, որ սա խոսում է այն մասին, թե որքան փնթի, որքան անպատասխանատու են ամեն ինչին նայում:

«Դա ցանկացած հայ մարդ կարող էր անել, եւ իշխանությունը պետք է պատրաստ լիներ ցանկացած սցենարի, որ մրցութային մասնակցելու է Ադրբեջանը, Թուրքիան, եւ այստեղ գոնե սցենարային աշխատանքներ պետք է տանեին, որ նման



դեպք չլիներ, բայց այս իշխանություններին եւ նրանց սպասարկողների համար դա սովորական է: Հիմա չգիտեմ, չեմ կարող ասել՝ ով է դրել, ինչու է դրել ադրբեջանական դրոշի գույներով ավագե ժամացույցները, ինչքանով է ուղեղը աշխատել: Սա խոսում է այն մասին, թե որքան փնթի, որքան անպատասխանատու են ամեն ինչին նայում, եւ սա մի կամ երկու դրվագը չէ: Իսկ ինչ վերաբերում է երկրի

վարկանշին, տարիներ շարունակ այնքան է հեղինակագրվել, լրիվ այլ պատճառներով, օրինակ՝ որ իր երկրի սահմանները չի կարողանում պաշտպանել. երկիր, որտեղ մի իշխանություն պարտության է տանում, հետո նորից իշխանության վերադառնալու հայտ է ներկայացնում ընտրվում եւ շարունակում է իր վերընտրությունը հպարտությամբ տանել»:

ԼԻՂԱ ԵՐԻՒԱՋՈՐՅԱՆ

ԶԵԿՈՒՅՑ

ԱՂԻՐԲԵՋԱՆԻ ՂԵՏ ԲԱՆԱԿՑՈՒԹՅՈՒՆՆԵՐ

ՀԱՂԹԵԼ Է ԶԱՂԱՔԱՊԵՏԱՐԱՆԻՆ



ArmLur.am-ին հայտնի դարձավ, որ «Թափառող կենդանիների վնասազերծման կենտրոն» ՀՈԱԿ-ի տնօրեն Յրաջյա Աղաբեկյանը հարթել է Երեւանի քաղաքապետարանին:

Բանն այն է, որ այս տարվա մարտի 17-ին Յրաջյա Աղաբեկյանին ազատել էին «Թափառող կենդանիների վնասազերծման կենտրոն» ՀՈԱԿ-ի տնօրենի պաշտոնից, ինչի համար նա դիմել էր դատարան, արդյունքում գործը նախագահող դատավոր Ռուբեն Ներսիսյանը որոշել է Յրաջյա Աղաբեկյանին վերականգնել «Թափառող կենդանիների վնասազերծման կենտրոն» ՀՈԱԿ-ի տնօրենի պաշտոնում, իսկ անհնարի-նության դեպքում Երեւանի քաղաքապետարանից հոգուտ Յրաջյա Վահանի Աղաբեկյանի բռնագանձել վերջինիս միջին աշխատավարձի 12-ապատիկի չափով գումար՝ որպես աշխատանքում չվերականգնելու հատուցում:

ԻՆՉ ՈՐՈՇՈՒՄ Է ԿԱՅԱՑՎԵԼ

ArmLur.am-ին հայտնի դարձավ, որ ապրիլի 14-ին՝ ուրբաթ օրը, ՀՀ քննչական կոմիտեն Միեր Սահակյանին հրավիրել է կոմիտեի և մեղադրանք առաջադրել, որից հետո նրա նկատմամբ խափանման միջոց է ընտրվել բացակայելու արգելքը:

Ազգային ժողովը 65 կողմ ձայնով տվեց իր համաձայնությունը «Հայաստան» խմբակցության պատգամավոր Միեր Սահակյանի նկատմամբ քրեական վարույթ հարուցելու՝ գլխավոր դատախազ Աննա Վարդապետյանի միջնորդությամբ:

Հայտնել էինք, որ մարտի 31-ին Ազգային ժողովի պետաիրավական մշտական հանձնաժողովի փակ նիստում Միեր Սահակյանը հարվածել էր ԶՊ-ական պատգամավոր Վլադիմիր Վարդանյանին: Դեպքի առթիվ ՀՀ քրեական օրենսգրքի 297-րդ հոդվածի (խուլիգանություն) 3-րդ մասով և 195-րդ հոդվածի (ֆիզիկական ներգործություն) 2-րդ մասի 1-ին կետով նախաձեռնվել է քրեական վարույթ:

Աննա Վարդապետյանն ապրիլի 11-ին խորհրդարանում ներկայացրեց Միեր Սահակյանի նկատմամբ քրեական վարույթ հարուցելու միջնորդությունը:

Միեր Սահակյանն ասել էր, որ կողմ է քվեարկելու իր նկատմամբ քրեական վարույթ հարուցելուն:

Հայաստանի կառավարությունը մամուլում է ներկայացրել Աղբեջանի հետ սարքեր ուղղություններով սարվող բանակցությունների վերաբերյալ:

Ինչպես նշված է ՀՀ կառավարության ծրագրի 2022 թվականի կատարման վերաբերյալ զեկույցում, Հայաստան-Աղբեջան բանակցային գործընթացը տեղի է ունեցել հետեւյալ հիմնական ուղղություններով՝ Հայաստան-Աղբեջան խաղաղության և հարաբերությունների հաստատման պայմանագիր, ԼՂ հիմնախնդրի կարգավորում, տարածաշրջանի տրանսպորտային և տնտեսական կոմունիկացիաների ապաշրջափակում, սահմանազատում և անվտանգություն, հումանիտար հարցեր:

Այս հարցերի քննարկման համար ՀՀ վարչապետի և Աղբեջանի նախագահի մասնակցությամբ տեղի է ունեցել 3 եռակողմ հանդիպում Եվրոպական խորհրդի նախագահի միջնորդությամբ (2022 թվականի ապրիլի 6-ին, մայիսի 22-ին և օգոստոսի 31-ին Բրյուսելում), 2 քառակողմ հանդիպում Եվրոպական խորհրդի նախագահի և Ֆրանսիայի նախագահի միջնորդությամբ (որոնցից մեկը՝ հեռավար, մյուսը՝ Պրահայում՝ 2022 թվականի հոկտեմբերի 6-ին) և 1 եռակողմ հանդիպում ՌԴ նախագահի միջնորդությամբ (2022 թվականի հոկտեմբերի 31-ին Սոչիում): 2023 թվականի փետրվարի 18-ին Մյունխենում ևս 1 եռակողմ հանդիպում է տեղի ունեցել Ամերիկայի Միացյալ Նահանգների (այսուհետ՝ ԱՄՆ) պետքարտուղար Էնթոնի Բլինքենի միջնորդությամբ: ՀՀ անվտանգության խորհրդի քարտուղար Արմեն Գրիգորյանը և Աղբեջանի նախագահի արտաքին հարցերով խորհրդական Յիզմետ Յաջետը ԱՄՆ և ԵՄ միջնորդությամբ հանդիպել են 4 անգամ, ՀՀ և Աղբեջանի գլխավոր դատախազները ՌԴ միջնորդությամբ հանդիպել են երկու անգամ, ՀՀ և Աղբեջանի արտաքին գործերի նախարարները ՌԴ, ԱՄՆ և այլ գործընկերների միջնորդությամբ հանդիպել են 6 անգամ:

Տեղի է ունեցել խաղաղության և հարաբերությունների հաստատման պայմանագրի վրա աշխատանքի երեք շրջափուլ, որի ընթացքում Հայաստանն ու Աղբեջանը փոխանակել են դիտարկումներ և առաջարկություններ: ՀՀ-ն իր դիտարկումներն ու առաջարկություններն աղբեջանական կողմին է փոխանակել 2023 թվականի փետրվարի 14-ին: ՀՀ-ի համար ընդունելի է այն մտեցումը, որ Հայաստանի և Աղբեջանի միջև պայմանագրի ստորագրումը կարող է առանձնացվել ԼՂ-ի հիմնախնդրի կարգավորման գործընթացից՝ այն տրամաբանությամբ, որ Ստեփանակերտի և Բաքվի միջև քննարկումների միջազգային մե-



խանիզմ կծեւավորվի: ՀՀ-ի համար էական է ԼՂ հայության անվտանգության և իրավունքների հասցեագրման երաշխավորված մեխանիզմների ձեւավորումը, որը կունենա միջազգային տեսանկյունից և ներգրավվածություն:

«Հայաստան-Աղբեջան պայմանագրի համատեքստում՝ ՀՀ կառավարության համար առանցքային են ՀՀ-ի 29 800 քառակուսի կիլոմետր տարածքի անվտանգության երաշխիքների ձեւավորումը, պայմանագրի տեքստի շուրջ հնարավոր տարբերակները և վեճերի կարգավորման գործնական մեխանիզմի ձեւավորումը»,- ասված է զեկույցում:

2022 թվականի ընթացքում տեղի է ունեցել ՀՀ-ի, ՌԴ-ի և Աղբեջանի փոխվարչապետների համանախագահությամբ տարածաշրջանային տնտեսական և տրանսպորտային հաղորդակցությունների ապաշրջափակման եռակողմ աշխատանքային խմբի երկու նիստ (ստեղծման օրվանից ի վեր տեղի է ունեցել 11 նիստ): Ապաշրջափակման թեման պարբերաբար քննարկվել է նաև այլ ձեւաչափերում: ՀՀ-ն հետաքրքրված է տարածաշրջանի տնտեսական և տրանսպորտային հաղորդակցությունների ապաշրջափակմամբ և պատրաստ է օր առաջ իրագործել այն ՀՀ օրենսդրությամբ սահմանված կարգով՝ «Հայկական խաչմերուկի» նախագծի շրջանակներում: Բեռների, ապրանքների և քաղաքացիների շարժի նոր հնարավորություններն ակնհայտորեն կմեծացնեն «Հայկական խաչմերուկի» գրավչությունը միջազգային և տարածաշրջանային ուղեւորափոխադրումների

և բեռնափոխադրումների համար՝ էականորեն ընդգծելով Հայաստանի չիրացված լոգիստիկ դերը տարածաշրջանում, ինչն իր հերթին նաև հավելյալ անվտանգության և կայունության երաշխիքներ կապահովի:

2022 թվականի ընթացքում Հայաստանն ընդդեմ Աղբեջանի ՄԱԿ-ի Արդարադատության միջազգային դատարան և ներկայացրել գանգատ՝ «Ռասայական խտրականության բոլոր ձևերի վերացման մասին» միջազգային կոնվենցիայի կիրառման վերաբերյալ: Գանգատը վերաբերում է ռասայական խտրականության բոլոր դրսևորումներին՝ ատելու-թյան և հակահայկականության քարոզ՝ ներառյալ պաշտոնատար անձանց կողմից, հայկական մշակութային ժառանգության օբյեկտների պաշտպանության հարց, պատմության կեղծում, կրթական հաստատություններում հակահայկականության հետեւողական քարոզ, էթնիկ զտում, էթնիկ ատելության հիմքով խոշտանգումներ և վատ վերաբերմունքի դեպքեր, էթնիկ ատելության հիմքով սպանություններ, գլխատումներ և շատ այլ խախտումներ, որոնց կատարման մոտիվն էթնիկ հայերի նկատմամբ ատելությունն է: Սկզբնական հայցը ներկայացվել էր 2021 թվականի սեպտեմբերի 16-ին, ամբողջական հայցը ներկայացվել է 2023 թվականի հունվարի 23-ին: Դատական ատյաններում բոլոր միջպետական գանգատներով Հայաստանի կողմից բարձրացվել են և բարձրացվելու են գույքային և ոչ գույքային վնասների հատուցման պահանջներ:

ԼՈՒՐԵՐ

ԳՈՐԾՈՒՂՎՈՒՄ Է ՀՆԳԿԱՍՏԱՆ

ՀՀ վարչապետ Նիկոլ Փաշինյանի որոշմամբ՝ ՀՀ առողջապահության նախարար Անահիտ Ավանեսյանը գործուղվում է Հնդկաստան:

Ավանեսյանը Հնդկաստանում կլինի ապրիլի 25-29-ը՝ մասնակցելու «Հնդկաստանի առողջապահության գերազանցություն-2023» գագաթնաժողովին:

Գործուղումից վերադառնալուց հետո նա եռօրյա ժամկետում վարչապետի աշխատակազմ և Հայաստանի Հանրապե-

տության արտաքին գործերի ու Ֆինանսների նախարարություններ հաշվետվություն պետք է ներկայացնի:

ՌԴ ՊՆ-Ի ԱՆԴՐԱԳԱՐՉԸ

Ռուսական խաղաղապահ զորախումբը շարունակում է առաջադրանքներ իրականացնել Լեռնային Ղարաբաղի տարածքում:

Այս մասին հայտնում են ՌԴ ՊՆ հաղորդագրության մեջ՝ նշելով, որ 30 դիտակե-

տերում ռուս խաղաղապահները շուրջօրյա վերահսկում են իրավիճակը և վերահսկում հրադադարի ռեժիմի պահպանումը:

Վերջին 24 ժամվա ընթացքում հրադադարի ռեժիմի խախտումներ չեն արձանագրվել:

Մարտակերտի, Մարտունու և Շուշիի շրջաններում պարեկություն է իրականացվել երեք երթուղիներով:

Ռուս խաղաղապահների անվտանգությունն ապահովելու և հնարավոր միջադեպերը կանխելու համար շարունակական փոխգործակցություն է պահպանվում Աղբեջանի և Հայաստանի զինված ուժերի գլխավոր շտաբների հետ:

ՀԱՍԱՐԱԿՈՒԹՅՈՒՆ

ՄԱՐԶ

ՉԻ ԸՆԴՈՒՆՈՒՄ ՄԵՂԱԴՐԱՆՔԸ

Ապրիլի 14-ին Տավուշի մարզի առաջին ատյանի դատարանը Բերդ քաղաքում կայացած նիստում որոշել է երկու ամիս ժամկետով կալանք կիրառել Իջեան քաղաքի 39-ամյա բնակիչ Սասուն Էդիյանի նկատմամբ: Բանվորությամբ զբաղվող, շինարարական տարբեր աշխատանքներ կատարող, մանկահասակ երեք երեխաների հայր Սասուն Էդիյանին մեղադրանք է առաջադրվել ՀՀ քրեական օրենսգրքի 198-րդ հոդվածի 2-րդ մասի 4-րդ կետով («Սեռական հարաբերությունը կամ սեքսուալ բնույթի այլ գործողությունները, այդ թվում՝ սեռական հարաբերության նմանակումը կամ սեռական կարիքները բավարարելը, որոնք կատարվել են՝ հանցագործությունից տուժած անձի կամքին հակառակ կամ նրա կամքն անտեսելով, հանցագործությունից տուժած անձի կամ այլ անձի նկատմամբ բռնություն գործադրելով կամ դա գործադրելու սպառնալիքով կամ հանցագործությունից տուժած անձի անօգնական վիճակն օգտագործելով, ընտանեկան դրության կամ հաշմանդամությամբ պայմանավորված խոցելի վիճակում գտնվող անձի նկատմամբ»): Ենթադրյալ հանցագործությունը կատարվել է այս տարվա մարտին: Ս. Էդիյանը մեղադրվում է Իջեան քաղաքի բնակիչ 7-ամյա տղայի նկատմամբ սեռական բնույթի գործողություններ կատարելու համար: Նա չի ընդունում մեղադրանքը: Նրա ընտանիքի անդամի վկայությամբ՝ Սասուն Էդիյանը անմեղ է, նշված հանցագործությունը 7-ամյա տղայի հնարածն է, երեխան առողջության հետ կապված խնդիրներ ունի, ենթադրյալ հանցագործությունը երեխայի երեակայության արդյունքն է: Ս. Էդիյանի շահերը պաշտպանում է Իջեանցի փորձառու փաստաբան, որը ներկա է գտնվել նրան նկատմամբ կալանքը որպես խափանման միջոց կիրառելու վերաբերյալ դատարան ներկայացված միջնորդության քննարկմանը: Ս. Էդիյանի ընտանիքը վստահ է, որ նրան առաջադրված մեղադրանքը քննության ընթացքում կհերքվի:

ՎԱՏ ԱՐԿՅՈՒՆՔՆԵՐ

Տավուշի մարզի հանրակրթական դպրոցների ուսուցիչների կամավոր ատեստավորման գործընթացին հայտագրվածների թվաքանակի, ատեստավորման արդյունքների վերաբերյալ տեղեկատվական հարցում են ուղարկել Տավուշի մարզպետ Հայկ Ղալումյանին: Մարզպետարանից ստացված պատասխանում նշված է, որ մարզի հանրակրթական դպրոցներից 2022 թվականին կամավոր ատեստավորման նպատակով հայտագրվել է ընդամենը 210 ուսուցիչ, մասնակցել՝ 122-ը, 47 ուսուցիչ 70-100 տոկոս արդյունք է ապահովել, որոնք էլ ստանում են համապատասխան հավելավճարներ: Տավուշի մարզի հանրակրթական 76 դպրոցներում դասավանդում է ընդհանուր թվով 1610 ուսուցիչ:

Ռ. ՍԱՐԳՅԱՆ Տավուշ

ԴԱՏԱԿԱՆ ԳՈՐԾ

ԻՐԱՅՐԵԼ Է ԹՄԲԱՄԻՋՈՑ

Ոստիկանության Մարաշի մարզային վարչության օդերիսազորներ Վ.Ս.-ն և Ս.Բ.-ն, հանցավոր համաձայնության գալով, 2022 թվականի հոկտեմբերի 3-ին ծեծի են ենթարկել ԲԿ Մարաշի մարզային ֆինչական վարչության ֆինչի Ն.Բ.-ին՝ դաժանորեն թեթև վնաս՝ առողջության կարճատե կայքայունով:

ԱՄԾ քննչական գլխավոր վարչությունում քննված վարույթով տվյալներ են ձեռք բերվել նաև այն մասին, որ օպերիվազոր Վ.Ս.-ն զբաղվել է թմրամիջոցի ապօրինի իրացմամբ. իր մտերիմ Մ.Գ.-ի օժանդակությամբ Գ.Պ.-ին է փոխանցել 0.52 գրամ Մարիխուանա տեսակի թմրամիջոց:

Պարզվել է նաև, որ օպերիվազոր Վ.Ս.-ն, 2009 թվականից ծառայելով Ոստիկանության համակարգում, իսկ 2018 թվականից զբաղեցնելով Արարատի մարզային վարչության ավագ օպերիվազորի պաշտոնը, տեղյակ լինելով իր մտերիմ Մ.Գ.-ի կողմից պարբերաբար գողություններ կատարելու եւ դրա արդյունքում ձեռք բերված առարկաների իրացման մասին, միջոցներ չի ձեռնարկել հանցագործությունների կանխարգելման, բացահայտման եւ Մ.Գ.-ին քրեական պատասխանատվության ենթարկելու ուղղությամբ:

Նախաքննության ընթացքում վարույթն իրականացնող մարմնի կողմից մեղադրյալ Վ.Ս.-ի նկատմամբ ընտրվել է կալանք խափանման միջոցը. Վ.Ս.-ն ձերբակալվել է ներկայացվել է դատարան, սակայն Հակառուսացիոն դատարանը մերժել է կալանքը որպես խափանման միջոց կիրառելու վերաբերյալ միջնորդությունը, որի դեմ հսկող դատախազի կողմից ներկայացվել է հատուկ վերանայման բողոք:

2023 թվականի ապրիլի 10-ին Գլխավոր դատախազությունում ստացվել է քրեա-



կան վարույթը, որով մեղադրանք է ներկայացվել Ս.Բ.-ին՝ Քրեական օրենսգրքի 171-րդ հոդվածի 2-րդ մասի 5-րդ կետով (մի խումբ անձանց կողմից առողջությանը թեթև վնաս պատճառելը), Վ.Ս.-ին՝ Քրեական օրենսգրքի 171-րդ հոդվածի 2-րդ մասի 5-րդ կետով (մի խումբ անձանց կողմից առողջությանը թեթև վնաս պատճառելը), 18.04.2003 թվականին ընդունված Քրեական օրենսգրքի 266-րդ հոդվածի 1-ին մասով (թմրամիջոցների ապօրինի իրացում), 308-րդ հոդվածի 1-ին մասով (պաշտոնական լիազորությունները չարաշահելը): Մեղադրանք է ներկայացվել նաև Մ.Գ.-ին՝ 18.04.2003 թվականին ընդունված Քրեական օրենսգրքի 38-266-րդ

հոդվածի 1-ին մասով (թմրամիջոցների ապօրինի իրացման օժանդակելը):

Նույն օրը Գլխավոր դատախազությունում ստացվել է Վերաքննիչ քրեական դատարանի որոշումը՝ դատախազի կողմից հատուկ վերանայման բողոքը բավարարելու եւ օպերիվազոր Վ.Ս.-ի նկատմամբ որպես խափանման միջոց կալանքը կիրառելու վերաբերյալ:

Վ.Ս.-ն ներկայացել է քրեակատարողական հիմնարկ եւ կալանավորվել:

2023 թվականի ապրիլի 13-ին դատախազի կողմից հաստատված մեղադրական եզրակացությամբ քրեական վարույթը հանձնվել է Հակառուսացիոն դատարան:

ԼՈՒՐԵՐ

ԿԱՏԱՐԵԼ Է ՓԱՇԻՆՅԱՆԻ ՀԱՆՁՆԱՐԱՐԱԿԱՆԸ

Մարտի 26-ին Դիլիջան քաղաքում վերաբնակված ռուսների նախաձեռնությամբ եւ «Դիլիջան համայնքի կոմունալ սպասարկում» ՀՈԱԿ-ի աջակցությամբ՝ Դիլիջան քաղաքի Կալինինի, Շահումյան, Մյասնիկյան, Ուսանողական, Առաջին, Մուղղովական փողոցներում կատարվել են մաքրման աշխատանքներ: Այդ աշխատող խմբին միացել են վարչապետ Նիկոլ Փաշինյանը եւ նրա կին Աննա Հակոբյանը: Դիլիջանի համայնքապետարանի ինտերնետային կայքը տեղեկացնում է. «ՀՀ վարչապետը հանձնարարել էր կարգի բերել Կալինինի 97 շենքի բակը, եւ Դիլիջան համայնքի ղեկավարի եւ «Եվրոասֆալտ» ընկերության, «Կոնդի առանձնատներ» ՊՈԱԿ-ի արագ արձագանքման արդյունքում բակն այսօր խնամված ու բարեկարգ տեսք ունի. տեղադրվել են նստարաններ, խաղարան, երկարակյաց եւ անթափատերե ծառեր: Դիլիջանի համայնքապետարանի կողմից բակերի բարեկարգման ծրագրերը շարունակական են լինելու: Քաղաքացիներին հորդորում ենք խնամքով ու սրտացավ վերաբերվել տարածքին ու նոր ձեւավորված միջավայրին»:



60 ՀԱՋ ՏՈՒԳԱՆՔ

Բերդ քաղաքի բնակիչ, նախկինում չդատապարտված, ոչ մի տեղ չաշխատող, 1981թ. ծնված Միեր Առուստամյանին մեղադրանք է առաջադրվել այն բանի համար, որ 2022թ. հունիսի 22-ին ժամը 20:40-ի սահմաններում, Տավուշի մարզի Բերդ համայնքի Մաշտոցի փողոցում կենցաղային հարցերի շուրջ առաջացած վիճաբանության ժամանակ բռնի գործողություններ է կատարել իր մերձավոր ազգականի կնոջ նկատմամբ՝ պատճառելով ֆիզիկական ցավ: Մ. Առուստամյանին մեղադրանք է առաջադրվել ՀՀ քրեական օրենսգրքի 195 հոդվածի 2-րդ մասի 6-րդ կետով: Նրա

նկատմամբ խափանման միջոց է ընտրվել բացակայելու արգելքը: Նախնական դատախազի փուլում մեղադրյալ Միեր Առուստամյանը ներկայացրել է արագացված վարույթ կիրառելու միջնորդություն, պաշտպան Ս. Ամիրյանը, հանրային մեղադրողը եւ տուժողը չեն առարկել միջնորդության դեմ:

2023թ. մարտի 30-ին Իջեան քաղաքում Տավուշի մարզի առաջին ատյանի դատարանի դատավոր Արամ Մարտիրոսյանը վճռել է Միեր Առուստամյանին մեղավոր ճանաչել առաջադրված մեղադրանքում, որպես պատիժ նշանակել տուգանք՝ 60 հազար դրամի չափով:

ՈՍԿԱՆ ՍԱՐԳՅԱՆ

● Անցած 3 օրվա ընթացքում Հայաստանի Հանրապետությունում արձանագրվել է 37 ՃՏՊ. 3 մարդ զոհվել է, 52-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՀԱՅՏՆԱԲԵՐՎԵԼ Է 252 ՌԱԶՄԱՄԹԵՐՔ

Ապրիլի 10-17-ն ընկած ժամանակահատվածում ՆԳՆ ԱԻ պետական ծառայության կենտրոնական ու տարածքային ստորաբաժանումների 911 ճգնաժամային կառավարման կենտրոններում գրանցվել է 870 զանգ, որից 25-ը՝ տեխնածին, 24-ը՝ կենցաղային բնույթի կանչեր են:

Արագ արձագանքման հատուկ ստորաբաժանման օպերատիվ խմբերը շաբաթվա ընթացքում կատարել են փակված 6 դռան եւ 11 վերելակի բացում: Փրկարարների օգնությամբ 4 քաղաքացի տեղափոխվել է բուժօգնություն:

Հրդեհ փրկարարները կատարել են 7 ելք: Հրդեհի 4 դեպք է արձանագրվել Ստեփանակերտ քաղաքում, մեկական դեպքեր՝ Մարտունու, Ասկերանի եւ Մարտակերտի շրջաններում:

Հրդեհների բռնկման հիմնական պատճառ է հանդիսացել բնակիչների անուշադրությունը, այգիներում եւ խոտածածկ ենթատարածքներում կրակը չվերահսկելը: Բոլոր դեպքերում հրդեհ փրկարարների կողմից կանխարգելիչ գործողություններ են իրականացվել:

Մեկ շաբաթվա ընթացքում սակրավորները կատարել են 7 ելք: Հետախուզական աշխատանքների արդյունքում հանրապետության տարածքից հայտնաբերվել է շուրջ 252 միավոր տարբեր տեսակի ու տրամաչափի ռազմամթերք:

Շարունակվում են ՆԳ նախարարի եւ ԱԻՊՇ տնօրենի հրամանով հաստատված դասընթացներն ու պլանային միջոցառումները, ինչպես նաեւ քաղաքացիական պաշտպանությանն առնչվող ուսուցողական եւ իրազեկման միջոցառումները: Պարբերաբար անցկացվող դասընթացները նպաստում են փրկարար ծառայողների տեսական եւ գործնական հմտությունների կատարելագործմանը:

ՏՈՒՄԵԼ Է 30 ՄԱՐԳ

Բանգլադեշի արեւելքում մարդատար եւ բեռնատար գնացքի բախման հետեւանքով առնվազն 30 մարդ է տուժել:

Բախումը տեղի է ունեցել մայրաքաղաք Դաքայից 96 կմ դեպի արեւելք գտնվող Կումիլլա շրջանում: 70 կմ/ժ արագությամբ շարժվող մարդատար էքսպրեսը բախվել է կայարանում կանգնած բեռնատար գնացքին: Բախման հետեւանքով ռելսերից դուրս են եկել մարդատար գնացքի հինգ վագոն:

Հինգ տուժածներ՝ ծանր վնասվածքներով, հոսպիտալացվել են:

Ըստ նախնական վարկածի՝ բախումը տեղի է ունեցել կայարանում ազդանշանային համակարգի խափանման եւ երկաթուղու աշխատակիցների սխալների պատճառով:

ՀԱՅՏԱՐԱՐՈՒԹՅՈՒՆ

«ՅՈՒՆԻԲԱՆԿ»-Ը ԿԱՆՑԿԱՑՆԻ ԱՃՈՒՐԳ՝ ՀՈՒՆԻԲԱՆԿ ԵՂԱՆԱԿՈՎ

2023թ.-ի մայիսի 02-ին՝ ժամը 11:00-ին, կազմակերպիչ «Յունիբանկ» ԲԲԸ կողմից Բ. Երեւան, Չարենց 12 Ե., թիվ 53, թիվ 1-5 հասցեում կանցկացվի աճուրդ՝ հողանդակային եղանակով:

Թիվ 16 լոտ՝ ոսկյա ջարդոն 24 գր. ընդհանուր քաշով, որից 10,5գր. ընդհանուր քաշով ոսկյա ջարդոնը (զուտ քաշը 10 գր.) 500 հարգի՝ 23.000 ՀՀ դրամ, 13,5 գր. ընդհանուր քաշով ոսկյա ջարդոն (զուտ քաշը 13 գր.) 585 հարգի՝ 189.700 ՀՀ դրամ, լոտի մեկնարկային գինը 312.700 ՀՀ դրամ: Թիվ 17 լոտ՝ ոսկյա ջարդ 111,1 գր. ընդհանուր քաշով (զուտ քաշը 72 գր.) 585 հարգի, լոտի մեկնարկային գինը 1.050.300 ՀՀ դրամ: Թիվ 21 լոտ՝ ոսկյա ջարդ 19,4 ընդհանուր քաշով (զուտ քաշը 19 գր.) 585 հարգի, լոտի մեկնարկային գինը 277.200 ՀՀ դրամ: Թիվ 20 լոտ՝ ոսկյա ջարդեր 17,5 գր. ընդհանուր քաշով, որից 10,4գր. ընդհանուր քաշով ոսկյա ջարդը (զուտ քաշը 10 գր.) 500 հարգի՝ 23.000 ՀՀ դրամ, 7,1 գր. ընդհանուր քաշով ոսկյա ջարդերը (զուտ քաշը 6,5գր.) 585 հարգի՝ 94.800 ՀՀ դրամ, լոտի մեկնարկային գինը 217.800 ՀՀ դրամ: Թիվ 24 լոտ՝ ոսկյա ջարդոն 14,3 գր. ընդհանուր քաշով, որից 6,5 գր. ընդհանուր քաշով ոսկյա ջարդոնը (զուտ քաշը 6,3 գր.) 585 հարգի՝ 91.900 ՀՀ դրամ, 7,8 գր. քաշով ոսկյա ջարդոնը 958 հարգի՝ 186.600 ՀՀ դրամ, լոտի մեկնարկային գինը 278.500 ՀՀ դրամ: Թիվ 23 լոտ՝ ոսկյա ջարդոն 15,5 գր. քաշով 958 հարգի, լոտի մեկնարկային գինը 370.800 ՀՀ դրամ: Թիվ 25 լոտ՝ ոսկյա ջարդոն 10 գր. քաշով 958 հարգի, լոտի մեկնարկային գինը 239.200 ՀՀ դրամ: Թիվ 30 լոտ՝ ոսկյա ջարդոն եւ զարդեր 195,4 ընդհանուր քաշով (զուտ քաշը 189,9 գր.) 585 հարգի, լոտի մեկնարկային գինը 2.770.300 ՀՀ դրամ: Թիվ 33 լոտ՝ ոսկյա ջարդեր 52,1 գր. ընդհանուր քաշով, որից 43,6 գր. ընդհանուր քաշով ոսկյա ջարդերը (զուտ քաշը 41 գր.) 585 հարգի՝ 598.100 ՀՀ դրամ, 5,1 գր. քաշով ոսկյա ջարդը 958 հարգի՝ 22.000 ՀՀ դրամ, 3,4 գր. քաշով ոսկյա ջարդերը 500 հարգի՝ 41.800 ՀՀ դրամ, լոտի մեկնարկային գինը 761.900 ՀՀ դրամ: Թիվ 36 լոտ՝ ոսկյա ջարդոն եւ զարդեր 56,2 գր. ընդհանուր քաշով, որից 51,5 գր. ընդհանուր քաշով ոսկյա ջարդոնը (զուտ քաշը 49,5 գր.) 585 հարգի՝ 722.100 ՀՀ դրամ, 2,9 գր. քաշով ոսկյա ջարդոնը 500 հարգի՝ 35.700 ՀՀ դրամ, 1,8 գր. քաշով ոսկյա ջարդը 750 հարգի՝ 33.600 ՀՀ դրամ, լոտի մեկնարկային գինը 791.400 ՀՀ դրամ: Թիվ 37 լոտ՝ ոսկյա ջարդեր եւ ջար-



դոն 31,9 գր. ընդհանուր քաշով, որից 5 գր. քաշով ոսկյա ջարդոնը 999 հարգի՝ 25.900 ՀՀ դրամ, 26,9 գր. ընդհանուր քաշով ոսկյա ջարդերը (զուտ քաշը 25,6 գր.) 585 հարգի՝ 373.500 ՀՀ դրամ, լոտի մեկնարկային գինը 499.400 ՀՀ դրամ: Թիվ 50 լոտ՝ ոսկյա ջարդոն 24,3 գր. ընդհանուր քաշով (զուտ քաշը 22 գր.) 585 հարգի, լոտի մեկնարկային գինը 321.000 ՀՀ դրամ: Թիվ 40 լոտ՝ ոսկյա ջարդոն եւ զարդեր 146,2 գր. ընդհանուր քաշով, որից 7,1 գր. ընդհանուր քաշով ոսկյա ջարդոնը (զուտ քաշը 7 գր.) 500 հարգի՝ 86.100 ՀՀ դրամ, 112,5 գր. ընդհանուր քաշով ոսկյա ջարդեր (զուտ քաշը 112գր.) 585 հարգի՝ 1.633.800 ՀՀ դրամ, 26,6 գր. ընդհանուր քաշով ոսկյա ջարդոն (զուտ քաշը 23,6 գր.) 585 հարգի՝ 344.200 ՀՀ դրամ, լոտի մեկնարկային գինը 2.064.100 ՀՀ դրամ: Թիվ 41 լոտ՝ ոսկյա ջարդեր 74,6 գր. ընդհանուր քաշով (զուտ քաշը 74 գր.) 585 հարգի, լոտի մեկնարկային գինը 1.079.500 ՀՀ դրամ: Թիվ 42 լոտ՝ ոսկյա ջարդեր 81 գր. ընդհանուր քաշով (զուտ քաշը 78 գր.) 585 հարգի, լոտի մեկնարկային գինը 1.137.800 ՀՀ դրամ: Թիվ 43 լոտ՝ ոսկյա ջարդեր 5 գր. ընդհանուր քաշով (զուտ քաշը 4,8 գր.) 585 հարգի, լոտի մեկնարկային գինը 70.000 ՀՀ դրամ: Թիվ 44 լոտ՝ ոսկյա ջարդեր 51,9 գր. ընդհանուր քաշով (զուտ քաշը 51,4 գր.) 585 հարգի, լոտի մեկնարկային գինը 749.800 ՀՀ դրամ: Թիվ 45 լոտ՝ ոսկյա ջարդ 10,6 գր. ընդհանուր քաշով (զուտ քաշը 10,1 գր.) 585 հարգի, լոտի մեկնարկային գինը 147.400 ՀՀ դրամ: Թիվ 46 լոտ՝ ոսկյա ջարդ 15,4 գր. ընդհանուր քաշով (զուտ քաշը 15 գր.) 585 հարգի, լոտի մեկնար-

կային գինը 218.800 ՀՀ դրամ: Թիվ 47 լոտ՝ ոսկյա ջարդ 6,1 գր. քաշով 958 հարգի, լոտի մեկնարկային գինը 145.900 ՀՀ դրամ: Թիվ 48 լոտ՝ ոսկյա ջարդ եւ ջարդոն 26,1 գր. ընդհանուր քաշով (զուտ քաշը 19,7 գր.) 585 հարգի, լոտի մեկնարկային գինը 287.400 ՀՀ դրամ: Թիվ 49 լոտ՝ ոսկյա ջարդեր 24,7 գր. ընդհանուր քաշով, որից 18,1գր. քաշով ոսկյա ջարդերը 500 հարգի՝ 222.600 ՀՀ դրամ, 6,6 գր. ընդհանուր քաշով ոսկյա ջարդը (զուտ քաշը 6 գր.) 585 հարգի՝ 87.500 ՀՀ դրամ, լոտի մեկնարկային գինը 310.100 ՀՀ դրամ: Թիվ 50 լոտ՝ ոսկյա ջարդեր 32,7 գր. ընդհանուր քաշով (զուտ քաշը 32 գր.) 585 հարգի, լոտի մեկնարկային գինը 466.800 ՀՀ դրամ:

Վերոնշյալ լոտերի մեկնարկային գինը, կապված աճուրդի օրվա դրությամբ ոսկու շուկայական գնի փոփոխության հետ, կարող է փոփոխվել մինչեւ մեկնարկային գնի 5 %-ի չափով: Լոտերը գրավի առարկա են, վիճակը՝ բարձր: Աճուրդին մասնակցելու համար ներկայացնել անձնագիր, մասնակցի վկայական /տրամադրվում է տեղում/: Հաղթող է ճանաչվում առավելագույն գին առաջարկած մասնակիցը, նախավճարը՝ լոտի 5 տոկոսի չափով, վճարվում է կազմակերպչին աճուրդի բացումից առնվազն 30 րոպե առաջ. լոտի ուսումնասիրումը՝ մինչեւ աճուրդի բացմանը նախորդող յուրաքանչյուր երկուշաբթի եւ ուրբաթ օրերին՝ ժամը 9.00-13.00-ն, ք. Երեւան, Չարենց 12 շ., թիվ 53, թիվ 1-5 հասցեում: Աճուրդի կանոնակարգին ծանոթանալու վայրը աճուրդի անցկացման վայրն է, պատճենը տրամադրվում է՝ դիմումի հիման վրա: «Յունիբանկ»-ը կրահանգում է ՀՀ կենտրոնական բանկի կողմից:

ԲԱՅ ԱՃՈՒՐԴ

ՀՐԱՄՈՐԱԿԱՅԻՆ ԾԱՆՈՒԹՅՈՒՆ
«Բի Ես Թի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ՄՈՐԱՆՔԱՅԻՆ ԲՈՐՍԱ» ՍՊԸ -ի հարթակում իրականացնելու է բաց աճուրդ՝ հողանդակային եղանակով: Աճուրդի ընթացքում վաճառվելու են «Հայրիգնեթապակ» ՓԲԸ-ին (այսուհետ՝ բանկ) սեփականության իրավունքով պատկանող հետեւյալ լոտերը՝
- ք. Երեւան, Նոր-Նորք, Մառի փողոց, 11 շենք, 26 հասցեում գտնվող 94,48 ք.մ. բնակարան: Լոտի մեկնարկային գինը՝ 28650000 ՀՀ դրամ:
- ՀՀ, Արմավիրի մարզ, համայնք Արմավիր, 1-ին փողոց, 34 հասցեում գտնվող 270 ք.մ. ճաշարան եւ 0,0226 հա հողամաս: Լոտի մեկնարկային գինը՝ 18850000 ՀՀ դրամ:
Աճուրդի փուլերը՝ հողանդակային եղանակով, ք. Երեւան, Սայաթ-Նովա պողոտա, 40 շենք, 82/31 հասցեում 04.05.2023թ.-ին, ժ. 12:00-ին, այսուհետեւ հողանդակային եղանակով կայացվող աճուրդի յուրաքանչյուր հերթական փուլը կանցկացվի յուրաքանչյուր հաջորդ աշխատանքային օրը, նույն վայրում, նույն ժամին: Աճուրդի ավարտը՝ 29.12.2023թ.: Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի Ես Թի» ՍՊԸ -ի դրամարկումնաճուրդի կայացման հասցեում, ՀՀ օրենսդրությամբ սահմանված կա-

նիկի շենք չգերազանցելու դեպքում, կամ բանկային հաշվին («Արդիքնեթապակ» ՓԲԸ-ում՝ 2470103374150000 հաշվառման համարին), կամ կազմակերպչի կողմից տրված այլ հաշվառման համարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:
Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առավանգաբար պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պար-

տավոր է աճուրդում հաղթող ճանաչված անձին վերադարձնել նախավճարը:
Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:
Լոտերն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեներով եւ ծանոթանալ լոտերի հետ՝ այցելությունը նախապես համաձայնեցնելով Կազմակերպչի եւ Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մասնավոր հրապարակվելու միջոցով: Աճուրդների անցկացման կանոնակարգին, լոտերի ամբողջական ցանկին կարող եք ծանոթանալ եւ անվճար ստանալ կանոնակարգի պատճենը, դիմելով Կազմակերպչին եւ Բորսային՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող եք զանգահարել (011) 56-45-13 հեռախոսահամարով կամ այցելել www.llcbst.am, www.borsa.am կայքեր:

«Օղովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՀԱՅ ԿԻՆՈՆ 100 ՏԱՐԵԿԱՆ Է

ՀԱՅ ԿԻՆՈՆ 100 ՏԱՐԵԿԱՆ Է

ԿԳՄՍ նախարար, դարգեւատրված կինոգործիչներին, նեցեց, որ երբ այսօր խոսում են հայ կինոյի 100-ամյակից, առաջին հերթին խոսում են կոնկրետ մարդկանց և նրանց ներդրման մասին, և ոչ թե Է արժեքները այդ ներդրումը արժեքները գնահատանքի այն ձևերով, որոնք կան և գործում են: «Չնայած սեխնորոգիաները և ժամանակները փոխվում են, բայց կինոն մեր կյանքում շարունակվում է մնալ, կինոն ինչ-որ առումով ներկայացնում է մաքուր արվեստի դեմքը հանրության առաջ», - ասաց նա:



Նեցեց նաև հայկական կինոժառանգության վերականգնված ֆիլմեր:

«Կինոդարձը՝ Ղեբեթ համայնքում» և «Մարդը բարձրագույն արժեք է» ծրագրերով ՀՀ մարզերում կանցկացվեն կինոաշխատանքներ՝ մանկապատանեկան և երիտասարդ սերնդի համար: Երեւանում և մարզերում կիրականացվի «Մուլտիպլիկացիոն և անիմացիոն կինոյի շաբաթ» ծրագիրը, որի շրջանակում կցուցադրվեն հայկական մուլտիպլիկացիոն և անիմացիոն ֆիլմեր, կկայանան հանդիպումներ ստեղծագործական խմբերի հետ, կանցկացվեն վարպետության դասեր, տեղի կունենա երեկո՝ նվիրված Լեւ Ատամանյանին, - ասաց Խզմայանը: Նա նշեց, որ «Սամուել Խաչիկյան-100» ֆիլմերի հետախույզը ցուցադրությունն առաջին անգամ կբացահայտի իրանահայ ամենանշանավոր ռեժիսոր Սամուել Խաչիկյանի ստեղծագործական ժառանգությունը, որի լավագույն նմուշներն ամբողջացնում են իրանական կինոյի ոսկե ֆոնդը:

«Հայ կինոյի 100-ամյա հոբելյանները, այսինքն՝ հայկական կինոյի համար կա հարթակ, որը վերածնունդի է ստեղծվել են ժամանակակից տեխնոլոգիայով հագեցած դահլիճներ, որոնք կարող են լավագույն ձևով ներկայացնել և փառատունները, և ֆիլմերը, քննարկումները և այլն: «Հայաստանում պետական աջակցությամբ իրականացվող միջազգային կինոփառատուների ծրագրերը են հագեցած են 100-ամյա հոբելյանական միջոցառումներով: Նախատեսվում են «Ոսկե ծիրան» միջազգային 20-րդ, «ՄԷԿ ԿԱՌԻ» կարճ ֆիլմերի 21-րդ, «Ծիրանի ծառ» վավերագրական ֆիլմերի 9-րդ, «ՌեՄԻՍԿԱՆԻԱ» միջազգային անիմացիոն կինոյի և պատկերասրահային արվեստի 15-րդ և «Ռուլան» մանկապատանեկան ֆիլմերի 19-րդ միջազգային կինոփառատուները», - եզրափակեց Հարությունը Խաչատրյանը:

յին և համաշխարհային հարթակներում ընդգրկվելով տարբեր կարգեր կինոփառատուներում: «Միջազգային միջոցառումների շրջանակում Հայաստանի կինոդարձի ներկայացուցիչները կմասնակցեն Կաննի միջազգային կինոփառատունին կից «Marche du Film» կինոշուկային, ինչպես նաև կինոփառատունի «Cannes Classics» ծրագրում կցուցադրվի հայկական կինոժառանգության լավագույն ֆիլմերից մեկը՝ «Բարեւ, ես եմ» (ռեժ. Ֆ. Դովլաթյան, 1965 թ.): Ինչպես նաև Հայ կինոյի 100-ամյակն ընդգրկվել է ՅՈՒՆԵՍԿՕ-ի հռչակավոր մարդկանց և կարտեր իրադրությունների հոբելյանների 2022-2023 թթ. օրացույցում», - ասաց կինոկենտրոնի տնօրենը: Հայաստանի կինոգործիչների միությունը: Հայաստանի կինոգործիչների միությունը նախագահ Հարություն Խաչատրյանն էլ ուրախությամբ նշեց, որ հոբելյանի շրջանակում Կինոփառատունի հիմնադրված աստղերի պուրակ: Նա ընդգծեց, որ վերջին տարիներին կինոգործիչների միությունում իրականացվել են հսկայական փոփոխություններ, այսինքն՝ հայկական կինոյի համար կա հարթակ, որը վերածնունդի է ստեղծվել են ժամանակակից տեխնոլոգիայով հագեցած դահլիճներ, որոնք կարող են լավագույն ձևով ներկայացնել և փառատունները, և ֆիլմերը, քննարկումները և այլն: «Հայաստանում պետական աջակցությամբ իրականացվող միջազգային կինոփառատուների ծրագրերը են հագեցած են 100-ամյա հոբելյանական միջոցառումներով: Նախատեսվում են «Ոսկե ծիրան» միջազգային 20-րդ, «ՄԷԿ ԿԱՌԻ» կարճ ֆիլմերի 21-րդ, «Ծիրանի ծառ» վավերագրական ֆիլմերի 9-րդ, «ՌեՄԻՍԿԱՆԻԱ» միջազգային անիմացիոն կինոյի և պատկերասրահային արվեստի 15-րդ և «Ռուլան» մանկապատանեկան ֆիլմերի 19-րդ միջազգային կինոփառատուները», - եզրափակեց Հարությունը Խաչատրյանը:

«ԵՄ ԳԱՆԻՍ ԵՄ ԶՈ ԹԱԳԻ ՀԵՏԵՎԻՑ»

Ալեքսիս Օհանյանն Ամերիկայի ամենահաջողակ Ներդրողներից և ձեռներեցներից մեկն է, սակայն, 2017 թվականից ի վեր Օհանյանը թեմիսի լեգենդ Սերենա Ուիլյամսի հետ ամուսնության շնորհիվ, դարձել է թեմիսի աշխարհի շատ քննարկվող դեմք: Համաշխարհային լրատվամիջոցները ժամանակ առ ժամանակ ուշադրություն են դարձնում նաև Օհանյանի հայկական արմատներին:

Օհանյանը վերջերս պատահաբար հանդիպել է «Ալեքսիս Օհանյանի ազգությունն ու կրոնը. ինչպե՞ս նա դարձավ չորրորդ ամենահայտնի հայ անձը» վերնագրով հոդվածին: Նա հոդվածը իրապարակել է Twitter-ում, որն, ըստ երեւոյթին, մեծապես զվարճացրել է նրան:

Օհանյանը պարզապես չի կարողացել թաքցնել, թե որքան զվարճալի է իր համար դա, և կիսվել է սքրինշոթով: Նա նաև զարմացել է. «Ինչո՞ւ են ընդհանրապես գրել այս հոդվածը»:

Ի պատասխան՝ ամերիկյան գործարար աշխարհում հայտնի դեմք Քիմ-Մայ Կարդշիանը գրել է. «Այժմ պետք է Ձեր կենսագրության մեջ ավելացնել «4-րդ ամենահայտնի հայը»»: Օհանյանը պատասխանել է. «Վերջ, @KimKardashian, ես գալիս եմ քո թագի հետևից»:

ՊԱՐՊԱՆՈՒՄ Է ՄԱՐԶԱՎԻՃԱՆԸ

Ջենիֆեր Լուպեսն ունի առօրյա ռեժիսոր, որն օգնում է նրան 54 տարեկանում պահպանել մարզավիճակը: Ջ. Լոյի առօրյան ներառում է վաղ առավոտյան մարզումներ, ինչպես նաև երեկոյան լավ ժամանակի անցկացումը երեխաների և ամուսնու՝ Բեն Աֆլեքի հետ:

Լուպեսն իր օրը սկսում է մարզանքով և խնամքով, որը ներառում է արդթե և մեդիտացիա: Նա հայտնի է իր զբաղված գրաֆիկով ու բազմաթիվ առաջադրանք կատարելու ունակությամբ, իսկ ժամանակ խնայելու համար շարժվում է մեքենայում:

Երեկոյան նա հանգստանում է և ժամանակ անցկացնում երեխաների հետ: Առավոտյան Ջենիֆեր Լուպեսը պտտվում է իր երեխաների շուրջ: Նա կամ հավաքում է նրանց դպրոցի համար, կամ նախաճաշ է պատրաստում: Երբ երեխաները գնում են դպրոց, նա կենտրոնանում է մարզվելու վրա, որը տեւում է մինչև մեկ ժամ ու բառարկ, այնուհետև ժամանակ է հատկացնում արդթեի և մեդիտացիայի համար նախքան իր մաշկը խնամելը: «Ես չեմ նայում իմ հեռախոսին, - ասում է նա Instagram-ի տեսանյութում: - Պարզապես պատրաստվում եմ օրվան՝ ճիշտ մտադրություններով և մտքերով»:

Ջեյ Լոն միշտ օգտագործում է իր ապրանքանիշի արեւապաշտպան քսուքը, որը «20-30 տարեկանից իր գեղեցկության գաղտնիքներից մեկն է եղել»:

ՏԵՍԱՐԱՆ

ԻՆՉ Է ԲԱՅԱՔԱՅՏԵԼ ԳԵՐԱՄԱՆԵԸ

Հայսնի կինոռեժիսոր Բլենդին Տարանի-ճինոն դասնել է, թե ինչու չի ընդգրկում սեփական ստեղծագործություններ իր ֆիլմերում, և դասճառն ավելի դարձ է, քան դրս կարծում եք:

«Սեքսը կինոյի մասին իմ տեսլականի մաս չէ», - ասել է 60-ամյա Տարանի-ճինոն Diari ARA օրաթերթին: «Ճշմարտությունն այն է, որ նման տեսարաններ իրական կյանքում շատ դժվար են նկարահանվում. բոլորը շատ լարված են: Եվ եթե նախկինում դա անելը փոքր-ինչ խնդրահարույց էր, ապա այժմ ավելի դժուր է»:

Նույն դա անելը փոքր-ինչ խնդրահարույց էր, ապա այժմ ավելի դժուր է:

Ռեժիսորը, սակայն, նշել է, որ եթե իր ֆիլմի համար ինտիմ տեսարան անհրաժեշտ լիներ, ինքը դա կաներ, բայց նման անհրաժեշտություն չի եղել:

Նրա՝ 1997 թվականին նկարահանված «Ջեքի Բրաուն» ֆիլմը միակն է, որտեղ ներկայացված է Բրիջիթ Ֆոնդայի և Ռոբերտ Դե Նիրոյի միջև գայթակղիչ տեսարան: Ինչպես հայտնում է The Hollywood Reporter-ը, Տարանի-ճինոն աշխատում է իր

նոր՝ «Կինոքննադատ» ֆիլմի վրա: Թեև առաջիկա նախագծի մասին շատ մանրամասներ չկան, նա իսպանական թերթին ասել է, որ ֆիլմի գլխավոր քննադատը կին է լինելու:

Տարանի-ճինոն ներկայումս շատ ժամանակ է անցկացնում Թեյ Ալիվում, բայց դեռևս անշարժ գույք ունի Լոս Անջելեսում և Նյու Յորքում: Ռեժիսորն ամուսնացած է իրալանդցի երգչուհի Դանիելլա Փիկի հետ: Նրանք ամուսնացել են 2018 թվականին և ունեն երկու երեխա:

● Ապրիլի 17-ին «Բոհեմ» թատրոնում տեղի կունենա «Էվոլյուցիա» հումորային ներկայացումը: Տոմսերի արժեքը՝ 3000-6000 դրամ: Սկիզբը՝ ժամը 19:30-ին:



Էջը՝ ՌՈԶԱ ՊՈՂՈՍՅԱՆԻ

ՀԱՇՎԱՆԴԱՍՈՒԹՅՈՒՆ

ՀԱՐՑ. Խնդրում եմ ասել՝ եթե է իրականացվում հաճախորդություն ունեցող անձի վերափորձաֆն-նությունը:

Լիպարիտ Դանիելյան (64 տարեկան)



ՊԱՏԱՍԽԱՆ. Լ. Դանիելյանի հարցին ի պատաս-խան՝ հայտնում ենք, որ հաշմանդամ ճանաչված անձը կրկին բժշկասոցիալական փորձաքննության է են-թարկվում անձի կամ նրա ներկայացուցչի դիմումի հի-ման վրա կամ բժշկասոցիալական փորձաքննության ոլորտում իրավասու պետական մարմնի նախաձեռ-նությամբ:

Անձի կամ նրա ներկայացուցչի դիմումով վերափոր-ծաքննությունն իրականացվում է հաշմանդամության խմբի կամ «հաշմանդամ երեխա» կարգավիճակի հա-մար սահմանված ժամկետը լրանալու, անձի առողջա-կան վիճակը վատթարանալու կամ օրգանիզմի ֆունկ-ցիայի վերականգնման, իսկ փորձաքննական որոշ-ման համար հիմք հանդիսացող փաստաթղթերում կեղծիք հայտնաբերվելու կամ հաշմանդամության խմ-բի որոշման սահմանված կարգի խախտման դեպքե-րում՝ նաեւ բժշկասոցիալական փորձաքննության ոլորտում իրավասու պետական մարմնի նախաձեռ-նությամբ:

Անձին հաշմանդամություն սահմանելու նպատակով բժշկասոցիալական փորձաքննություն իրականաց-նում են բժշկասոցիալական փորձաքննության ոլոր-տում իրավասու պետական մարմինները՝ ՀՀ աշխա-տանքի եւ սոցիալական հարցերի նախարարության Հայաստանի Հանրապետության բժշկասոցիալական փորձաքննության գրասենյակի համապատասխան կառուցվածքային ստորաբաժանումը եւ տարածքային բժշկասոցիալական փորձաքննական բաժինները:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Նշենք, որ հաշվառում չունե-ցող անձինք կարող են ենթարկվել բժշկասոցիալա-կան փորձաքննության՝ ներկայացնելով տեղեկանք փաստացի բնակության վայրից: Օտարերկրյա պետու-թյան քաղաքացիները Հայաստանի Հանրապետու-թյունում կարող են անցնել բժշկասոցիալական փոր-ծաքննություն, եթե տվյալ պետության հետ Հայաստա-նի Հանրապետությունն ունի համապատասխան միջ-պետական պայմանագիր:

ԿԱՐԳ

ՀԱՐՑ. Հեսաբրի է իմանալ՝ արդյոք ողես է ան-ժարժ գույքի ողեսական գրանցման կամ Տեղեկա-վություն ստանալու համար դիմումները ներկայաց-վեն այն սոդասարկման գրասենյակ կամ օպերա-տորի մասնաճյուղ, որի սոդասարկման սարածում գտնվում է դիմումի առարկա անժարժ գույքը:

Մետաքսյա Արիստակեսյան (43 տարեկան)



ՊԱՏԱՍԽԱՆ. Հայտնում ենք, որ անշարժ գույքի նկատմամբ իրավունքների պետական գրանցման կամ տեղեկատվության տրամադրման դիմումները կարող են ներկայացվել Հայաստանի Հանրապետու-թյան կադաստրի պետական կոմիտեի աշխատա-կազմի ցանկացած սպասարկման գրասենյակ կամ օպերատորի մասնաճյուղ՝ անկախ անշարժ գույքի գտնվելու վայրից: Նույնը վերաբերում է նաեւ ներկա-յացված դիմումի հիման վրա կազմված փաստաթղթե-րի ստացմանը, որոնք կրկին կարելի է ստանալ ինչ-պես դիմումը ընդունած, այնպես էլ ցանկացած այլ սպասարկման գրասենյակից կամ օպերատորի մաս-նաճյուղից:

Կադաստրի կոմիտե

«ԺՈՂՎՈՒՐԳ». Անշարժ գույքի նկատմամբ իրավունքների պետական գրանցման կամ տեղեկատ-վություն ստանալու համար դիմողներին տրամադր-վող ստացականում նշվում է դիմումի մուտքագրման համարը, որը միաժամանակ հանդիսանում է նաեւ ծածկագիր, որի օգնությամբ դիմողը հնարավորու-թյուն կունենա ՀՀ կադաստրի պետական կոմիտեի պաշտոնական կայքէջի միջոցով հետեւել իր դիմումի քննարկման ընթացքին:

ԼՈՒՐ ԿԱՐԴ

Լուսանկարն արվել է Երեւանում



«Կոչումը կին՝ ոսկե կող» համահայկական մրցանակա-բաշխության հատուկ մրցանակը՝ Գրան պրին, շնորհվել է «Մուլտի ագրո» գիտաարտադրական կենտրոնի գլխա-վոր տնօրեն Ռոզա Ծառուկյանին: Մրցանակի հանձնման հանդիսավոր արարողությանը նախ ներկայացվել է նրա գործունեության վերաբերյալ փոքրիկ ֆիլմ, այնուհետեւ ելույթ է ունեցել նաեւ ինքը՝ Ռոզա Ծառուկյանը. «Հոգա-չափ շնորհակալ եմ: Առ այսօր ինչպես աշխատել եմ, խոստանում եմ ուժերիս ներածին չափ լինել այն, ինչ եղել եմ առ այսօր: Խաղաղություն եմ ցանկանում»:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառ-նանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	0 + 3 +14 + 18
Կոտայքի լեռներ	+ 1 + 3 +13 + 16
Կոտայքի նախալեռներ	+ 6 + 8 +17 + 20
Գեղարքունիք	0 + 5 +14 + 17
Լոռի	+ 2 + 5 +14 + 17
Տավուշ	+ 5 + 8 +15 + 18
Արագածոտնի լեռներ	0 + 3 +12 + 15
Արագածոտնի նախալեռներ	+ 5 + 8 +18 + 22

Արարատ	+ 6 + 9 +20 + 23
Արմավիր	+ 5 + 8 +22 + 24
Վայոց ձորի լեռներ	- 1 + 1 +13 + 16
Վայոց ձորի նախալեռներ	+ 6 + 9 +22 + 24
Սյունիքի հովիտներ	+ 4 + 7 +17 + 20
Սյունիքի նախալեռներ	+ 1 + 3 +13 + 16
Արցախ	+ 4 + 8 +15 + 18
Երեւան	+ 7 + 9 +21 + 23

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 17.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետեւյալ նախադասությունը. «Շարունակությունը կարող էք
կարդալ «Ժողովուրդ» օրաթերթի այսօրվա համարում»: